

Қазақстан Республикасы Үкіметінің 2002 жылғы 3 сәуірдегі N 401 қаулысына өзгерістер мен толықтырулар енгізу туралы

Күшін жойған

Қазақстан Республикасы Үкіметінің 2004 жылғы 7 қаңтардағы N 12 қаулысы. Күші жойылды - Қазақстан Республикасы Үкіметінің 2010 жылғы 19 қарашадағы № 1221 Қаулысымен

Ескерту. Күші жойылды - ҚР Үкіметінің 2010.11.19 № 1221 (алғашқы ресми жарияланған күнінен бастап жиырма бір күнтізбелік күн өткен соң қолданысқа енгізіледі) Қаулысымен.

Жолаушылар, теңдеме жүк, жүк және почтаны тасымалдау жөнінде қызмет көрсету үшін авиабағыттарға конкурс өткізу және куәліктер беру рәсімін жетілдіру мақсатында Қазақстан Республикасының Үкіметі қаулы етеді:

1. "Жолаушылар, теңдеме жүк, жүк және почтаны тасымалдау жөнінде қызмет көрсету үшін авиабағыттарға конкурс өткізу және куәліктер беру ережесін бекіту туралы" Қазақстан Республикасы Үкіметінің 2002 жылғы 3 сәуірдегі N 401 қаулысына (Қазақстан Республикасының ПҮКЖ-ы, 2002 ж., N 10 , 100-құжат) мынадай өзгерістер мен толықтырулар енгізілсін:

көрсетілген қаулымен бекітілген Жолаушылар, теңдеме жүк, жүк және почтаны тасымалдау жөнінде қызмет көрсету үшін авиабағыттарға конкурс өткізу және куәліктер беру ережесінде:

5-тараудың атауындағы 6, 7, 22, 23, 24, 25, 26-тармақтағы "жеңімпаз", "жеңімпазы", "жеңімпазды", "жеңімпазын", "жеңімпазының", "жеңімпазына", "жеңімпазынан" деген сөздер тиісінше "жеңімпаз (жеңімпаздар)", "жеңімпазы (жеңімпаздары)", "жеңімпазды (жеңімпаздарды)", "жеңімпазын (жеңімпаздарын)", "жеңімпазының (жеңімпаздарының)", "жеңімпазына (жеңімпаздарына)", "жеңімпазынан (жеңімпаздарынан)" деген сөздермен ауыстырылсын;

мынадай мазмұндағы 6-1-тармақпен толықтырылсын:

"6-1. Егер конкурсқа шығарылатын бір авиабағыт (авиабағыттар пакеті) бойынша осы Ережеде белгіленген біліктік талаптарына жауап беретін және осы Ереженің 13-тармағында көзделген конкурсқа қатысу үшін құжаттар ұсынған кемінде екі конкурсқа қатысушы өтінім берсе, конкурс өтті деп танылады.";

11-тармақтың 4) тармақшасы "өзгертілген" деген сөзден кейін "немесе тоқтатылған" деген сөздермен толықтырылсын;

12-тармақ мынадай редакцияда жазылсын:

"12. Халықаралық тұрақты рейстерді орындау үшін авиакомпанияның 11-

тармақта көрсетілген талаптарға қосымша Халықаралық әуе көлігінің қауымдастығы (ИАТА) берген коды болуы тиіс.;"

13 - т а р м а қ т а :

мемлекеттік тілдегі мәтінінде 8) тармақша мынадай мазмұндағы жаңа редакцияда жазылсын :

"8) халықаралық бағыттар үшін ИКАО-да авиакомпанияның тіркелгені туралы куәліктердің және ИАТА-да берілген кодты алғаны туралы жазбаша растамалардың көшірмелері;" ;

9) тармақша "(тасымалдау құжаттарының үлгілері)" деген сөздермен толықтырылсын ;

мынадай мазмұндағы 10-1) тармақшамен толықтырылсын:

"10-1) бір ай ішінде авиабағыт бойынша ұсынылатын кестеге сәйкес жоспарланатын жүктемені ескере отырып, ұшуларды орындауға арналған шығыстардың есептемелері;" ;

12) тармақша алынып тасталсын;

13) тармақша мынадай редакцияда жазылсын:

"13) заңды тұлғаның тіркелуі орны бойынша салық органы қабылдаған соңғы бухгалтерлік теңгерімнің көшірмелері;" ;

15) тармақша "қысқа мерзімді" деген сөздердің алдынан "бөлек" деген сөзбен толықтырылсын ;

14-тармақтағы "беріледі" деген сөз "тігілген түрде, нөмірленген беттерімен беріледі және соңғы беті заңды тұлғаның мөрімен расталады." деген сөздермен ауыстырылсын ;

16-тармақ мынадай редакцияда жазылсын:

"16. Конкурс осы Ереженің 25-1-тармағында көзделген жағдайларды қоспағанда, жылына бір рет күзгі-қысқы навигация басталғанға дейін (қазанның соңғы жексенбісі) алдын ала жүргізіледі. Уәкілетті орган конкурс өткізу туралы шешім қабылдағаннан кейін комиссия конкурсқа ықтимал қатысушыларды жазбаша хабардар ету жолымен немесе бұқаралық ақпарат құралдары арқылы конкурс өткізілгенге дейін 30 күнтізбелік күннен (конкурсты қайта өткізу жағдайында - 15 күнтізбелік күннен) кешіктірмей конкурстың негізгі шарттарын және оның өткізілу мерзімдерін жариялайды.;"

17-тармақ "пакетін" деген сөзден кейін ", сондай-ақ ашық конкурсты өткізу тәртібі туралы нұсқаулықты, қызметінің қаржылық нәтижелерінің бағалауын, ұшулардың қауіпсіздік жағдайы мен әуе кемелерінің паркін, уәкілетті органның бұйрығымен бекітілетін ұсынылған конкурстық ұсыныстарды және бір авиабағыттағы жеңімпазды немесе бірнеше жеңімпазды анықтауды" деген сөздермен толықтырылсын ;

19-тармақтағы "күн" деген сөз "жұмыс күні" деген сөздермен ауыстырылсын;

20-тармақ мынадай редакцияда жазылсын:

"20. Біліктілік талаптарына сай емес және/немесе осы Ереженің 13-тармағында көзделген құжаттарды түгел ұсынбаған қатысушылардың өтінімдерінен конкурстық комиссия бас тартады, оларды бағаламайды және салыстырмайды." ;

21-тармақтағы "барлық қажетті құжаттарды бермегендігі немесе біліктілік талаптарына сай еместігі үшін" деген сөздер алынып тасталсын;

22 - тармақта :

алтыншы абзацтағы "күннен" деген сөз "жұмыс күнінен" деген сөздермен ауыстырылсын ;

мынадай мазмұндағы абзацпен толықтырылсын:

"Осы Ереженің 13-тармағының тізбесіне сәйкес, бірақ оларды ресімдеуге қойылатын талаптар ескерілмей құжаттары ұсынылған қатысушы конкурс жеңімпазы деп таныла алмайды";

24 - тармақта :

"үш күн" деген сөздер "он күн" деген сөздермен ауыстырылсын;

мынадай мазмұндағы абзацпен толықтырылсын;

"Конкурс жеңімпазынан кейін конкурстық ұсыныстары жақсы деп танылған конкурсқа қатысушы уәкілетті органмен келісім жасаудан бас тартқан жағдайда, конкурстық комиссия конкурс өткізілмеді деп таниды.";

мынадай мазмұндағы 25-1-тармақпен толықтырылсын:

"25-1. Егер конкурстық комиссия конкурсты өткізілмеді деп таныса, бұрын өткізілген конкурс кезінде конкурстық комиссия біліктілік талаптарына сай келетін немесе осы Ереженің 13-тармағында көзделген құжаттарды ұсынған екеуден аз конкурсқа қатысушылардың өтінімдері ұсынылған авиабағыттарға қайта конкурс өткізу туралы жариялайды. Қайталама конкурс кезінде, егер бір авиабағыт (авиабағыттар пакеті) бойынша біліктілік талаптарына сай келетін және осы Ереженің 13-тармағында көзделген құжаттарды ұсынған конкурсқа қатысушылардың екеуден аз өтініші берілсе, конкурстық комиссияның шешімі бойынша конкурс өткізілді деп танылуы мүмкін. Қайтадан конкурс өткізу кезінде конкурстық комиссия авиабағыттар пакетін өзгертуі мүмкін, бірақ конкурсқа шығарылатын авиабағыттар тізбесі өзгермейді.;

29-тармақ "45" және "15" деген сандардан кейін "күнтізбелік" деген сөзбен толықтырылсын ;

30-тармақ "14" деген сандардан кейін "күнтізбелік" деген сөзбен толықтырылсын ;

34 - тармақта :

"жалпы" деген сөз алынып тасталсын;
"жобасын" деген сөздің алдынан "кестесінің" деген сөзбен толықтырылсын.
2. Осы қаулы қол қойылған күнінен бастап күшіне енеді.

Қазақстан Республикасының
Премьер-Министрі

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК